

AUGLÝSING

um staðfestingu félagsmálaráðuneytisins á reglum nefnda til úthlutunar bóta samkvæmt lögum um atvinnuleysistryggingar.

Samkvæmt lögum nr. 29, 7. apríl 1956, um atvinnuleysistryggingar, hefur ráðuneytið staðfest reglugerð fyrir eftirtaldar úthlutunarnefndir atvinnuleysisbóta, sbr. auglýsingu ráðuneytisins, nr. 16, B-deild Stjórnartíðinda 7. febrúar 1957:

37. Nefnd Verkalýðsfélagsins Einingar, Akureyri, Iðju, félagsverksmiðjufólks, Akureyri, Félags verzlunar- og skrifstofufólks, Akureyri, Sjómannafélags Akureyrar, Bílstjórufélags Akureyrar og Sveinafélags járníðnaðarmanna, Akureyri. Staðfest 26. apríl 1967.
38. Nefnd Verkalýðsfélagsins Skjaldar, Flateyri. Staðfest 28. des. 1967.
39. Nefnd Verkamannafélagsins Þórs og Bílstjórufélagsins Ökuþórs. Staðfest 28. des. 1967.
40. Nefnd Verkalýðsfélagsins Stjórnunar, Grundarfirði, Snæfellsnessýslu. Staðfest 28. des. 1967.

Félagsmálaráðuneytið, 29. desember 1967.

F. h. r.

Hjálmar Vilhjálmsson.

Gunnlaugur Þórðarson.

AUGLÝSING

um breytingar á gjaldskrá Hitaveitu Reykjavíkur nr. 164/1962, sbr. breytingu nr. 235/1963, sbr. breytingu nr. 166/1965, sbr. breytingu nr. 167/1966.

1. gr.

Í stað kr. 7.63 í 3. gr. komi kr. 9.00.

2. gr.

Í stað kr. 66.00 í a-lið 4. gr. komi kr. 78.00, í stað kr. 150.00 í b-lið komi kr. 175.00, og í stað kr. 300.00 í c-lið komi kr. 350.00.

3. gr.

Breytingar þessar öðlast gildi frá 1. janúar 1968.

Ákvæði til bráðabirgða.

Verðhækkun sú, sem ákveðin er með þessari gjaldskrá, skal framkvæmd samkvæmt eftirfarandi reglum:

1. Notkun samkvæmt mælaálestri í janúar skal greidd eftir eldri gjaldskrá með 6% álagi.
2. Notkun samkvæmt mælaálestri í febrúar skal greidd eftir eldri gjaldskrá með 12% álagi.

3. Notkun samkvæmt mælaálestri í marz skal reiknuð á einingarverði gjaldskrár þessarar og síðan öll notkun úr því.
4. Þar sem álestur mæla fer fram mánaðarlega skal notkun samkvæmt álestri í janúar greidd með einingarverði gjaldskrár þessarar.

Gjaldskrárbreyting þessi staðfestist hér með samkvæmt lögum nr. 38 12. febrúar 1940.

Félagsmálaráðuneytið, 29. desember 1967.

F. h. r.

Hjálmar Vilhjálmsson.

Hallgrímur Dalberg.

REGLUGERÐ

um útbúnað sláturhúsa, kjötfrystihúsa, kjötverkunarstöðva og meðferð og flutning sláturafurða.

I. KAFLI

Um sláturhús.

1. gr.

Sláturpeningi, sem felldur er í þeim tilgangi að flytja afurðirnar nýjar, frystar, reyktar, saltaðar eða á annan hátt verkaðar til sölu á erlendum markaði eða til sölu og neyzlu innanlands, skal slátra í löggiltum sláturhúsum. Kæling, frysting og geymsla sláturafurða, er hér um ræðir, skal fara fram í viðurkenndum kæli- og frystigeymslum. Söltun, pökkun, niðurskurður, reyking og önnur verkun á sláturafurðum skal fara fram í viðurkenndu húsnæði.

2. gr.

Hver sá, sem hyggst slátra sauðfé, geitum, svínnum, nautgripum og hrossum, sbr. 1. gr., skal senda landbúnaðarráðuneytinu umsókn um löggildingu húsa eða húsnæðis, sem ætlað er til slátrunar, verkunar eða geymslu sláturafurða. Skulu fylgja umsókninni sem ýtarlegastar upplýsingar um fyrirkomulag húsa, staðsetningu þeirra, vatnsból, frárennsli, útbúnað og annað, sem máli skiptir.

Hver sá, sem hyggst byggja eða útbúa húsnæði í framangreindum tilgangi, skal senda landbúnaðarráðuneytinu teikningar af fyrirhuguðum framkvæmdum og fá samþykki ráðuneytis og yfirdýralæknis eða héraðsdýralæknis, áður en framkvæmdir hefjast.

3. gr.

Landbúnaðarráðuneytið viðurkennir og löggildir sláturhús, frystihús, söltunarhús og annað húsnæði, þar sem verkun sláturafurða fer fram að fengnum meðmælum frá yfirdýralækni eða viðkomandi héraðsdýralækni, ef skoðun hefur leitt í ljós, að húsnæðið fullnægi ákvæðum þessarar reglugerðar og sé að þeirra dómi svo fullkomið að gerð, skipulagi, aðstöðu og öllum útbúnaði, að hægt sé að fullnægja nauðsynlegum kröfum um hollustuhætti og hreinlæti.

Þegar landbúnaðarráðuneytið eða yfirdýralæknir ákveður, skal fara fram gagnger skoðun á húsnæði því, er um ræðir í 1. gr., framkvæmd af viðkomandi héraðsdýralækni eða yfirdýralækni. Má löggilda húsnæðið til ákveðins tíma, og skal jafnframt tekið fram, hve umfangsmikil starfsemi má fara fram í húsinu, t. d. hve